

近代中國史料叢刊第九十五輯
沈雲龍主編

約菴詩錄

王紹薪著

文海出版社有限公司印行

W 224 / 602

約
盦
詩
錄

馮康侯謹僉



戊戌夏

弱盦詩錄

馮康侯謹署



約齋詩錄序

廬陵子表述先德語曰養不必豐要於孝利雖不得縛於物要其心之厚於仁旨哉言乎此在常人固然而治刑名學者尤然歐陽崇公推官也風流已遠聞其語矣未見其人今乃得於予友孝若王君君弱冠舉茂才負笈東瀛習法科畢所業歸值民國肇建出仕致用歷有歲時暇則寄懷詩酒與人恂恂然始予於清游會議之清游會者騷人畫客結社廣州以時暢叙者也今忽忽三十年矣比歲客香江偶或一晤追維往事故交寥落輒相與感慨不勝日者君以所著約齋詩錄來贖以書云師聞老友代刻拙集念集前宜有序環顧海內能文章而復識平生者莫如足下益以清游舊人同作海濱殘客言之當更親切有味也願莫辭焉予受而讀之集中諸詩慕父母之作數數見而聽訟一首尤覺其言藹如夫孝者至性而仁者至情也詩乃性情之物世徒以色澤聲調爲之其真者累千百不一遇彭躬菴已先我言之矣君詩始清光緒戊戌以迄於今

前後六十年其間海田遷變人事代謝歷歷在目顧誦君近作悠然澹然意趣
閒遠於以知紛紛者物外蘊蘊者吾真也君今年七十六矣耳重聽髮斑白而
精神矍鑠如恆擇廬菴洋山中磴道紆迴嵐翠松陰掩映戶牖日唯揮毫吟嘯
自樂其樂不與世相聞佳兒賢孫肅肅雖定省昏晨隨侍筆硯又豈必想念
盛平始爲羲皇上人哉詩曰孝思不匱永錫爾類語曰仁者靜得其壽予雖不
能文然於君行誼頗謂有足徵者書此報之亟携稿走訪山居知友二三亦相
繼至把盞竟日縱談抵掌彷彿當日題襟列坐時也

歲戊戌初秋蘊廬陳荆鴻謹序

約齋詩錄自序

余童年學詩始於五律自清光緒廿四年戊戌始放筆爲古近體間有所作存亦不多丁未東游暇輒有詠辛亥歸國適逢鼎革觀國家之新造雜哀樂以成吟至戊寅己丑之間兩度避兵憂患之餘篇章稍富然已垂垂老矣作客海隅旅居多暇搜錄舊稿略加詮次繫以干支由清戊戌以至今戊戌前後六十一年而家國之故身世之感亦略可見焉刪訂既竣待正有道遠師聞老友來索刻拙作遂以稿付之師聞夙具保存舊學熱誠殆亂世中文字知己歟戊戌五月孝若序於香港之海隱樓時年七十又六

約齋詩錄

南海 王紹薪

戊戌 清光緒二十四年

次韻和張野秋學使秋感八首 錄二

梧葉當秋老未凋
夢隨湘水正迢迢
遠持玉尺來邊郡
笑倚珠江聽暮潮
萬類平亭知有暇
群才磨濯試非遙
京華北望秋初冷
熱血填胸感不消

北部黨分炎漢季
西秦帝立晚周年 檢續
興唐豈必資回紇 時聯續之說甚盛
驚座今如

識穎川獻策匡時非
立異薦才蒙謗不求憐
衆芳蕪穢將除盡
呵壁無勞再問

天

公昔學廣東時值戊戌政變以爲原幕護護軍職曾任秋感八首錄是而作

松花溪館晚釣

靜寂松關畫掩門
聲聲漁笛破黃昏
滄浪一曲天如斗
明月爲鈎酒滿尊
晚節

不隨紅葉變壯懷休共白鷗論蟾龍砥柱憑誰挽隻手迴瀾海欲吞

館者有塔宋並澤學士題其額曰蟾龍砥柱

庚子

閏中秋對月作 時值拳匪之亂

黃楊成厄閏秋色再平分看月知兵氣焚香靖妖氛金甌重固影玉宇淨無塵
未許紅鐙照蟾光近北辰

題東方朔偷桃圖

清光緒十二年丙戌十一月 先曾祖重逢花燭彭茲進太守繪此以祝
越十四載庚子九月重付裝池敬題二絕

天風吹下步如飛掠過瑤池隔岸歸歲歲蟠桃供一嚼從今臣朔不曾飢

君身仙骨本通靈桃實銜來獻歲星 朔像口銜桃枝有二實作抽屜惡奔狀 花燭重逢星再見好呼

王母祝長生

甲辰

題壬寅試卷

白戰曾鑿九曜池荒荒供水紀堯時龍蛇起陸中原歎始識詞宗是我師

朱古徵督粵學亡命處考按試南海題為當免之辭不進行汜濫於中國龍蛇居之

報國危同捋虎鬚借韓偓句亂平而後識忠謨命題似憶當年痛庚子秋詞淚未枯

庚子拳亂師抗疏請勦賊格不達亂平後帝得疏嘉其忠乃命督粵學庚子秋詞一卷師在圍城時所作也

丁未

赴日本留學舟泊神戶

松植錨形遠可觀神戶山上植松作錨形示港口停泊處江山真作畫圖看蓬萊水已成清淺到岸

非如昔日難

乘神戶夜車至東京

弱水何曾路不通東行已到海之東寢臺夢醒車停後初見扶桑曉日紅

紅梅館即事

我本嶺南人來住紅梅館梅非故鄉花人與梅關遠館客有南北多是同鄉伴
異地逢故人其情益深歎我室寬丈餘有席暇可煖紙窗薄而明緝門輕且短
門不設其樞室各守其限祛籛永無虞此風足稱善室內何所有虛白塵不染
複壁瘦餘物坐處總蕭淡蒲團憩盤膝矮几供攤卷中復置瓦爐色黝紋若篆
時當秋正深爐烘櫻炭斷鐵架支茶鑪瓶笙聲緩緩茶熟書亦熟徐啜一兩盃
秋花時送驛鄉愁暫容遣得此讀書地神山近在眼分陰惜不遺夕陽銜樹晚

戊申

觀櫻花歸後作

少年不強不如老春花不紅不如草少年春花即國魂彼國之魂武士墳塢來
負笈至扶桑更值櫻花開三島花時放假恣游觀飲酒花間扶醉倒花開花落
不及旬如海如潮何浩浩試與嶺花較短長梅開十月得春早壓倒群芳最有

名松柏歲寒共相葆越臺木棉花更紅十丈珊瑚如日杲花名別錫以英雄不
與女兒爭色好櫻花原是女兒姿顏色須臾豈長保明朝酒醒還獨來
借東坡句落
花如雪呼僮掃

遊日比谷公園三首

楚楚梅枝似柳枝
聚芳如畫亦宜詩
徐熙沒骨傳新稿
忙煞園西老畫師
銅鑪高翹水噴空
池旁遍植瑞香叢
花光人面知誰好
難得顏如雪裏紅
老柳空心大十圍
春來遺茁舊時枝
攀條不是旗亭地
猶似江潭處客衣

寄內書題後

別緒難量似海深
雲旒寓罷復沉吟
入樓明月知吾感
承露幽蘭愜素心
一掬芳馨今且寄
萬千哀樂渺何尋
不如更問鄰園事
手植黃槐或結陰

己酉 清室統元年

暑假自日本東京還粵

兩年未上越王台，秋暑歸航破浪開。
擲筆瀛洲留一語，黃花時節我重來。

季弟入都贈別

遙看秋色滿燕京，我正東歸汝北行。
此別應須各努力，惜者杜句豪談何止極滄溟。

未容馳騁驚前輩，且待風雲慰乃兄。
一語臨歧珍重贈，少年頭角斂崢嶸。

題朝鮮安重根影象

翩翩原是韓公子，君豈張良再世生。
遺恨祖龍推不中，伊藤得中恨應平。

無題三首

桃葉桃根打漿來，藤花一霎被風摧。
霧縠環珞紛狼藉，化作殘紅拾亦哀。

波江風雨太橫斜，薄命何堪念故家。
楚楚桃根甘一死，夜臺重茁自由花。

芳墳小築費安排，秋草深深玉已埋。
十萬櫻花齊泣血，鮫綃餘淚替誰揩。

庚戌

贈許崇文

許子不憚煩時以詩筒至殷勤自遞來侍女誤郵使登樓一頽儒修髯具風致
此非談詩時尙有談詩地讀之紙窻間花香同觸鼻風格近晚唐何必標新異
此邦多詩人茲事未敢廢吾儕研律文嚼蠟枯無味擇之以性靈賴有此文字
人皆笑君癡我獨喜君華來日正大難濯磨須一試矯首望中原願共騰奇氣
送鄭叔雪畢業入都應試

壯遊奇筆挾風雷東指吟鞭爽颯來入海五年珠在握當秋一試尺量才臨歧
惘惘難爲別對此茫茫且莫哀我亦燕臺將振轡驂驢先路待君開

辛亥

次和日日本森槐南餞別韻

筵做蓬萊水泛盃醉餘北望是燕臺未忘鷹隼騰霄氣笑遣鯨魚破浪開一卷

申韓研法意千碑漢魏校殘灰東京得見今才子

君漢漢魏碑多本黃公度京卿卷爲東京才子

酒陣詩壇

老此才

附原作

森槐南

白日滄溟酒一盃送君驪首向燕臺
鱖魚東海猶能逸石檣南山恐或開
二聖園陵遷宿草百年宮闕幾飛灰
斫餘無限悲歌地付與王郎磊落才

森氏善為漢詩按人境廬詩草卷七續槐人詩注有曰森槐南年十六工詩詞吳東京才子也時復念之是其少年時已為贊公度京御覽錄今原詩第四五句蓋指清孝飲太后

登德宗葬事言也

入都應試憶紀

取士重考言銓才始詢事醫國乏良方古今未有異東西
畢業歸赴京須一試先試以學科繼試以文字文不取其奇字
不取其肆文字倘縱橫閱之必屏棄余略工楷書豈足云利器
試官坐堂皇得卷咸稱粹名列孝廉科未是平生意榜發甫逾旬
武昌報起義響應及四方紛紛易漢幟東華夢一場青雲容再致
辛亥十月出都

又了長安一局棋危城岌岌賦南歸孝廉科掇真如夢開拓功成漸有期
先路

已知瞻馬首臨風不見展龍旗東華揮手吾今去別淚征塵滿客衣

壬子 民國元年

民國紀元喜賦

今朝復見漢官儀五族高揚五色旗開國規模初紀史平胡笳鼓正班師黃花
七二墳應拜赤縣千年日再輝蕩蕩共和成美治磨崖書曆待豐碑

木棉

此是南方間氣鍾花開名足副英雄越王臺畔平撐起杲杲參天十丈紅

癸丑

癸丑入都重寓舊館感賦

一別年餘世已新重來此地尙陳陳海棠著雨花初見粉筆書牆字未湮抗手
風塵非故我得官口舌又何人輕車南北紛馳逐猶是京華昔日春

穀雨日作

廿四番風信斷
蘭今朝毅雨尙微寒
裘輕將敵慙孤白花好初開說牡丹

花信列杜

丹為數兩一候
即第廿二番風

南北芳時隨地異
風雲變局等棋觀
玉壺買得春常在
手把除醺

且醉看

出都留別

此別真可惜
先爭一著難觀棋
忍袖手去國
豈投冠奇氣雲無定
初秋海已寒
吟鞭又南指
珍重各加餐

旅滬秋感六首

集定庵句

半生中外小迴翔
合畧頭銜著作郎
萬一飄零文字海
溫柔不住住何鄉
擬策孤筇避冷遊
年來花草冷蘇州
梅魂菊影商量遍
紅似相思綠似愁
連宵燈火宴秋堂
江左詞壇百輩狂
隔岸故人如未死
他生來作水仙王
劍氣鑄心一例消
木樨風外等秋潮
田橫五百人安在
但有秋魂不可招
笛聲吹破五湖秋
過眼雲煙浩不收
縱使文章驚海內
著書都爲稻梁謀

狼藉丹黃竊自哀料無富貴逼人來秋燈忽吐蒼虹氣情向龍泉祝一回

甲寅

聽訟

道德源將窮刑名濟斯始老子與韓非合傳即是理司寇稱秋官政以肅爲旨
理訟息民爭意在納諸軌訟事分民刑昔則濬而視刑訊今已除律師制初起
是非辨千言勝負待一紙法網密重重蹈者仍未已聽訟倘得情哀矜應勿喜
欲胥天下平河清恐難俟安得訟庭閒花落作詩紀

叔弟自美畢業歸任農工商部技正賦寄

乘風破浪似登仙去國歸來歷七年虜滅匈奴家未立官居農部藝初銓二張

南北非虛眼

弟應考留美學生時南皮張之洞充主試總裁今得官時南通張謇任農工商部總長

萬里程途好著鞭白髮高堂頻

北望且歌棠棣寄新篇

乙卯

大水歌

天降霖雨亘兩月積潦成災川似決水從地中噴出來濶高數寸復數尺滔天
巨浸何汪汪洪水橫流眞汨汨水將封門屋將傾呼救哀聲聞不絕脫險爭浮
條器盆逃危那得濟川楫飄如一葉逐狂瀾又恐覆盆頂爲滅祇尋高處水不
來避向荒山與窮穴露宿連宵幕不張暴雨宵來寒透骨麥舟破水到山頭拯
溺救災功倉卒哀哉吾民半爲魚好修基圍毋再缺誰繪流民鄭俠圖紀述災
情吾有舌

韓江紀行

民國四年秋司法部令凡法官退爲律師者其執行業務之地須回避
其服官時之府籍故有韓江之行

香海韓江一夜航秋風船上印微霜明朝泊向江心處雲水蒼茫異故鄉
江心平望岸非遙登岸扁舟槳緩搖頭上黑雲遮不住可堪微雨更蕭蕭

汕頭對面名碯菴水抱山迴境不喧安得草堂費十萬栽花隨意便成園
魚鱸長年食不停箇中風味似東瀛此行未負秋風意歸棹鱸羹笑季鷹

贈黃朗垣

少年籍甚黃童譽讀律居然老更成眼底辯才誰上駟舌尖名士半如鸚替人
勝負棋多定與子周旋氣亦平收拾雄心無寄處祇餘詞筆尙縱橫

丙辰

書事

步上瓊樓又折回九門深鎖訝遲開垂旒岌岌珠將墮下詔匆匆墨已灰袍笏
登場誰汝誤笙歌沸地枉卿來卻憐輸與曹瞞智銅雀於今尙有臺

錄別

燭漸成灰酒瀉泉離人對此總凄然當筵記曲拋紅豆別淚封綰泣紫鴉此去
自知非逝水再來未識是何年依依垂柳紅頭路記取銷魂解纜前

三十六莖水仙

漢宮新樣貼鵝黃羅列真成卅六行出水亭亭香嫋嫋仙人不羨化鴛鴦

十八莖水仙

小住瀛洲不計年凌波微步態翩翩女郎若接紅牙板環珮天風操水仙

丁巳

珠江花舫行

畫船銜列峙西東鐵鎖橫江炬照空珠江花舫笙歌夜秦淮舫宴將毋同吳娘

能唱瀟瀟曲珠娘明豔顏如玉此間風月信無邊

珠江有石碑
二石碑謎可錄
錦重二兩字

傳為風月無
邊之謎云

月明三五買春宵買夏乘涼過竹橋未麗繞船花作綫素馨圍髻玉

吹簫就中我愛澄芬舫光宣詞客留新唱

黃梅作魏銀三陳霞持
江霞公墨最多

康老長素荷花詩在上當年馳逐少年場桃葉桃根打槳忙酒似綠波燈似雪

花爲四壁水爲鄉吟鞭東指扶桑路五載歸來朝市故滄海東流異昔時煙花

南部猶前度舊游如夢未忘情一舸浮江載酒行燕子初逢如識面花枝無恙
亦傾城澄芬舫尚依堤柳東舫西船存八九但祝鴛鴦浪不驚莫遣鯨鯢波作
吼

題古城春望圖

節過清明尚禁煙唐家宮闕鎖何年城南詩老淒迷甚袍笏春深拜杜鵑

戊午

紅梅

鐵石心腸饒娥媚廣平一賦妙千年枝頭著色分南北嶺外爭春判後先翠竹
伴來斜更好綠華能笑醉尤妍梅關依舊巍巍在驛使遙馳誤絳煙

三眼橋驛書所見

軋軋車聲走夕陽紅蓮出水遠聞香天低雲直家園路三眼橋西是故鄉
夾道水松高不密牧童牛背笛聲長黃雲兩岸看無際萬笠晴畝刈稻忙

己未

仲弟閨生日席上作

沉沉暫了公家事休休生辰集此朝義起黃花成晚葉歌傳紫玉按秋簫卅年
入世霜催鬢兩度登筵酒似潮節過雙星剛置閨弟兄扶醉記今宵

重陽酒後贈嚴斗垣

故鄉出處費評量似汝知交漸老蒼一宦歸來成小隱君去年卸法官歸十年顏放近詩
狂繁愁似草難除種晚節如花要傲霜話到恩仇秋縹緲且銜盃酒送重陽

題黃花晚節第二圖

黃祝渠祀祖母今德復成第二圖屬題

北江昔有卷菴集三水今傳晚節圖同憶音容比清苦故將花草詠悲愉百年
菊壽情如昨兩軸秋芳影不孤霜裏孫枝今挺秀東籬重繪未模糊

庚申

石圍塘羊桃歎

荔枝過後龍眼香龍眼空時羊桃黃羊桃又名五梭子佳種厥推石圍塘種果之地數萬畝熟時晨摘逾千筐果嘴如鸚色如赭粵稱紅果此最良梭青鮮同玉浮翠皮鏽黯似鐵積蒼質爽不讓哀家梨汁甜且勝崖蜜糖剖以竹刀擘以指鐵刀剖此減其芳天鍾嶺南富佳果啖此復可滌熱腸憶我昔曾患熱病藥投石膏十兩強內熱雖減頭復痛渴時惟飲津梨漿頭痛騰騰在正午有如萬箭攢其旁維時羊桃果正熟盤盛顆顆如赭囊痛不可耐試取啖其妙如服散清涼頭火沉沉漸下降數日病瘳復其康此效群芳譜未載不辭一述如傳方吁嗟乎昔年羊桃名產地今已名存而實亡清季廣三鐵路闢在粵石圍塘地徵購爲車場億萬果株一朝盡闕成枯樹同哀傷今果乃爲花埭種虎賁之貌肖中郎土膏肥沃壤相接卻喜遷地種能良小星從此永替月生穉誰復憶枯楊廣東新語再披讀桃名且考羊與洋

屬大均廣東新語載羊桃自大洋來者稱洋桃云

翁山先生九京倘

可作秋時果熟應復賦滄桑

題蘆葦鴛鴦圖

不向芙蓉宿並頭鴛鴦亦作稻梁謀蕭蕭葦下棲遲意摘旒光陰已變秋

辛酉

先祖妣忌辰恭賦

百齡稱壽母三度赴瑤池

祖妣三十歲時曾病遊一日後甦八十七歲時又病遊日餘復甦庚申初春卒剛一百歲

生死傳佳話鄉鄰

頌懿徵麻姑談歷劫萊子憶披衣家祭初春日梅花亦蘊悲

出嗣孫承重孩提得最憐塗鴉匍匐教字畫虎誠當年象可瞻垂範文猶待表阡

餘哀曾未泯淒拜影堂前

崔卓吾自山西寄詩見懷賦答

遠寄琳瑯字天涯慰我思十年懷別久九日報書遲花落訟庭畔碑臨客館時

晉祠銘在否索贈笑余癡

汕頭亂後王挺喬回法院長任賦贈

歷劫歸來算再生年年潮海慣羅兵
江豚吹浪驚魂夢梁燕窺人記送迎
未了官情雙鬢冷欲迴斜照一舟輕
孤帆漸遠韓江近爲折梅花送汝行

壬戌

四十生朝自述

四十無聞又此朝高梧昨報葉初飄
少時了了名虛負七夕年年酒待燒
國事如棋觀正急秋心似海意何遙
滿樓風雨縱橫入是日大風雨對此披襟醉半消

壬戌避兵故里寄懷舊游集定庵句

沉沉心事北南東如煙如夢一萬重
儂已獨醒醒不慣公今言愁愁無終
從茲禮佛燒香罷才盡迴腸盞氣中
忽有故人心上過長天飛去一征鴻

過兒時讀書處

橫塘祠後凌霄架六月花開簇似霞
左傳百行初讀罷一甌荷露試新茶

槐英墮堦微有聲書燈秋影夜初明
醺醺却憶兒時味卅載重來已老成

壬戌亂後重宴紅樓賦示同席

三年兩避危城亂大好光陰逝水過
喜極故人還健在却餘畫壁欲重呵
嗟余英氣花同倦澆汝愁腸酒不多
試遣小紅歌一曲新詞應譜定風波

譚聶自關外歸招飲醉後作

小別經年關外歸聶痕濯濯認依稀
譚歸時已去聶九邊爛熟成何濟
一醉無名悟昨非
劫後群花還繞座夜深涼露漸侵衣
酒闌強作驚人句喝起當筵月欲飛

癸亥

次和徐固老六榕小集韻

春來得夢見爲棺病起招游試勸餐
今向南天作霖雨漫勞北望嘔心肝
六榕已歷千年劫一醉能令萬慮寬
點染湖山閒著筆風雲都作畫中看
時陳樹人寓劍父酒後作

重

題留春圖

癸亥春盡日固鄉徐公卸粵省篆陳樹人高劍父奇峯昆仲張純初容

仲生合繪留春圖以紀去思

年來四海皆秋氣望到春回忍放歸酒集西園揮簇簇賓陪東閣惜依依迴黃

轉綠功如在判白評紅意不私留得生綰好顏色嶺南永永託芳菲

題張純初牡丹百花卷

姚黃魏紫盡傾城豈用牙牌注小名牙牌標出牡丹名唐賢句醉向花王呼萬歲為花寫照祝

長生

衆香國異人間世香國何知富貴名自笑閒情似歐九洛陽花事費題評

初冬登白雲山樹人澤闈劍父純初仲生同游

我向白雲山下住十年未上山頭路悍將據為負固場詞人罷作登高賦年來

稍稍靖兵塵聯袂游山似初度鎮海樓頽尚五層呼鷺道荒無百步扶筇直上

安期祠九節菖蒲識如故瀾泉清澈可鑑人試掬飲之滌幽索初冬嶺梅應有

花寂寂空山無一樹昔讀濂泉記補梅玉笙風流真可慕

清咸豐年間南海韓玉笙
孝廉有濂泉補梅記刻石

立此
問

披捧我欲覓譚碑試問山僧不知處百年塵劫歷重重古蹟銷沈如草露

冬花冬樹尙青紅未負詩囊與畫具眼底初收平遠圖胸中不盡滄桑句山猿

送客晚鐘鳴雲白天青同一顧

甲子

元旦大雨南園雅集

甲子初回望太平當春原草又敷榮旌旗照眼堂堂在

時湘軍
方入粵

憂患隨年逐逐

生賴有詩壇能被劫但祈戰鼓不聞聲雨風無賴縱橫甚醉慰桃梅乞放晴

羊城牡丹曲

國色嫋嫋降越臺迎春同與水仙開移植南方原異種託根北地本奇材北地

花時在三月穀雨清明纔應節羯鼓空勞催發花牡丹雖好遲扶葉曹州花販

自冬來花球園林處處栽芍藥祇應充近侍蝶蜂爭欲與爲媒買花賀歲來花
塊羣芳園裏評佳麗一朵姚黃值萬錢重臺魏紫矜雙蒂買歸打槳向東行一
綫鷺潭白浪生登岸亭亭爭捧豔游人嘖嘖訝傾城資盆轉植花迎面華堂似
醉沉香宴宿酒初醒詠阿環仙裙未縵留飛燕甲子重回紀歲年太平群望比
花妍笑問名花花默默醉呼妙舞舞翩翩祇惜一年花一度留植殷勤空再願
灼根施術古曾傳滅種居奇誰得悟北來花販狡無倫自秘金鍼不度人安得
園丁通妙技嶺南長駐洛陽春

贈黎澤闓

三寸縱橫舌未枯此才寧便老江湖平生不慣因人熱出處常教與衆殊法闓
申韓爭曲直碑翻素漢校模糊十年閉戶同斯癖放眼天南道不孤

謁西藩鄧先師墓

秋色滿大地孤墳峙夕陽文章靈不昧桃李蔭成行下馬墓前拜征鴻郭外翔

門生今白髮遺稿誦琅琅

乙丑

東陳樹人並索畫

側身人海吾方倦抗手風塵汝未閒故遣清才常作宦未妨小憩一遊山雲雖
出軸心無競畫已成家筆漸慳素壁一圖今擬乞隔江雙槩莫空還

次和樹人息園十詠

錄四

藏廬

有實宜善韜太露計非得隔山山非深中有幽人宅

返自然室

人海不可住住久汨其真一官歸去來琴書醇醪親

可止亭

吾生本有涯萬動息將夕飛鷗過亭西小憩搏風翼

覓句橋

溪橋水清淺負手神自閒詩心如白雲獨往復獨還

梁述南寄示香港聽曲詩題後

紅關蕭瑟庾郎才聽曲登樓幔半開報道秋心紅不死萬花如雨撲空來
天半迴廊萬玉鳴梅魂菊影費題評詞人老去風懷在爲託檀槽訴不平

丙寅

九日郭北茶寮聽雨作

烽煙影外尋佳節笑指黃花訪故人一角茶寮秋聽雨江山容得此閒身
空壻如洗綠生苔滴入詩心淨不埃我自清涼眠檻外任從風雨過山來

白水塘看烏柏和樹人韻

摩星蠟屐歸來後側帽携筇過野塘一葉初紅冬似海千林如醉晚經霜漸看
蕭索含生氣未許遺遙隱故莊好與丹楓歸畫稿湖山幾筆又斜陽

丁卯

鮫魚詠

巨口黃河鯉四腮松江鱸其名至珍貴其味各清腴鼎食始得嘗豈能惠窮閭
若其賦質美價廉名復粗求諸鱗族中其爲土鮫乎土鮫產於粵長亦僅尺餘
鱗青體復修雙目清如珠繁殖初冬時購者市爭趨蒸之以肉絲味與嘉魚如
煮之以葱豉味豈鱗魚殊可羹復可餹佐酒常空壺可醢復可脯佐饌常有魚
何必五侯鯖只此勝郇廚遠人憶鄉味擊鮮輒欲飲近得致遠法海舶妙運輸
選魚貯巨桶清水載以俱日夕灌注之使如游江湖運抵至滬濱一尾值千銖
躍如登龍門聲價十倍逾貴賤若有時名實兩不虛懷才久不遇將與鮫爲徒
有才終不沒盍以鮫慰諸

抗風軒養竹

詩壇留此抗風軒今已荒涼作署園修竹萬竿叢綠地蕭蕭斜日未開門